



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

LXIX. Markgraf Friedrich der Jüngere sendet an Apel Bizthum seinen
Fehdebrief, am 30. November 1451.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

halber so gewandt, als Ir selbs wol wisset, daz wir In sunder Hilff vnd Beystandt nicht gelassen mögen, vnd ab ir dorüber einicherley Schaden nemet, wie das dann zuqueme, dorumb wollen wir vnd alle die vnsern, die wir darzu nutzen, uch noch den Uuern zu antwortten nichts pflichtig sein vnd hoffen, Ir lasset es darzu nicht kommen. Mit vnsern vffgedruckten Insiegel verfigelt vnd geben zu Cölln an der Sprew, am Dinntag nach Elizabeth, Anno Domini MCCCCLI.

Aus Müller's Reichstags-Theater unter Mar. I, 401.

LXIX. Markgraf Friedrich der Jüngere sendet an Apel Bizthum seinen Fehdebrief, am 30. November 1451.

Frederich der Jünger, von Gotes gnaden Marggraue zu Brandenburg vnd Borggrave zu Norenberg.

Apel Vitzthum, Ryter, vns hat der Hochgeborn Fürste, vnser lieber Oheim, Herr Wilhelm, Hertzoge zu Sachsen, geschryben vnd uber uch geclaget, wye yr myt eweren Brüdern ihm vnd seinem Lande sein Geleyte vberfahren vnd an des Hertzogen von Borgondien Reten mit Beraubung vnd Gefengniß zubrochen habt, dorumb werdet yr Im nicht nach Erkenntnisse thun vnd phlegen, was Ir Im vmb des willen pflychtig seyt; so ist er vns Fründtschafft, Eynunge vnd Bundschafft so gewant, alz yr selbest wol wylset, daz wyr in sunder Hülffe nicht gelassen möge vnd ab yr darüber enygerley Schaden nhemet, wey daz dene zo keyme, darum wollen wir vnd alle den vnseren, dye wyr dartzu nutzen, uch noch den Euuern zu antworten nicht pflychtig sein vnd hofen, yr lasset es darzo nicht komen; mit vnseren vfgedrockten Insigel verfigelt, gegeben zu Tangermünde, an sante Andrewes Dage, in dem LI. Jare.

Aus Müller's Reichstags-Theater unter Mar. I, 403. 404.

LXX. Fehdebrief des Markgrafen Albrecht an Apel Bizthum, vom 9. Dezember 1451.

Albrecht, von Gotes Genaden Marggrave zu Brandenburg vnd Burggrave zu Nüremberg.

Wiz Apel Vitzthumb, Ritter, der Elter, nachdem du durch deine Gefellen mit sambt deiner Brüder Reutern dem Hochgebornen Fürsten, vnsern lieben Sweher, Hern Wilhelmen, Hertzogen zu Sachsen, Lantgrauen in Döringen vnd Marggrauen zu Missen, in sein Geleit gegriffen vnd des Hertzogen von Burgundien Rete, die in treffenlicher Pottschafft desselben Hertzogen von Burgundien zu dem Hochgebornen Fürsten, vnsern lieben Oheim, Hern Fridrichen, Hertzogen zu Sachsen etc., geschicket waren, nidergeworffen, Ine gros Habe vnd Gut genomen